

## BENEVENTO – TARDE NUESTRE = 2 A 1... 'A NOTTE DI AULIN

L'ha mann't Aldo "Diecipalazzine"

mercoledì 02 novembre 2011

Ultimo aggiornamento mercoledì 02 novembre 2011

Ce mal de cape! Eppure jè 'a notte di AULIN&hellip; no sse dice accussì? Cu 'Aulin avesse passà! Mbece&hellip; ce mal de cape! M&rsquo;honne ditte ca stanotte le cristiane se vestene da carnevale e se pigghiene tutte quande 'antinfiammatorie. Sarà! A me me pare 'na studecarie. Comunque ha state 'na serate a uecchie a BENEVENTO. 'U Tarde prima ha segnate cu 'nu gol de GUAZZO ca ha fatte 'nu tire a sprusce e ha truate 'a porte. 'U Tarde ha sciucate bbuene pe 'na decine de menute, ha pigghiate pure 'na traverse e po&rsquo; no s&rsquo;ha capite cchiù ninde. Nemmanghe 'nu tire 'mborte cchiù ind&rsquo;o prime timbe.

Le Stregone honne segnate cu 'na punizione ca se n&rsquo;ha sciute sola sola 'mborte. Ce tiatre! E quidde dicene&hellip; 'Aulin! Po&rsquo; o seconde timbe COLY ha smarrunate e ha date 'a palle a 'nu sciucatore de&rsquo;'otra squadre. Accussì BREMEC ha assute a spezzajamme e ha state scettate fore. Ame avute pure 'u regore. 'Mborte s&rsquo;ha mise MARAGLINO&hellip; 'nu uagnone ca trasenne trasenne ha pigghiate 'nu gol. A 'nu certe punde se n&rsquo;ha sciuta 'a luce. Vedite ca no jè pe dicere! Se n&rsquo;ha sciute 'a luce averamende mminze o cambe. Ame state vinde menute ferme po&rsquo; 'a partite ha accumenzate n&rsquo;otra vote. E ce jè 'a notte di Aulin averamende? E ce stonne le streghe? Honne trasute DI DEO e ANTONAZZO ma non è servito a un &hellip;&hellip;.. niente! Quidde purtiere d&rsquo;'u Benevende eve proprie 'na pizze ma nuje&hellip; de cchiù. E accussì da quanne avemm&rsquo;a vengere ame perdute. Ce brutta serate&hellip;. famme scè a pigghia 'n&rsquo;'Aulin! Mamma 'a cape!